



Ministry of Civil Affairs

Broj: 14-16-3-8-3/23

Sarajevo, 12.05.2023. godine

Na osnovu člana 69. stav (3) Zakona o javnim nabavkama ("Službeni glasnik BiH", broj 39/14 i 59/22), ministrica civilnih poslova Bosne i Hercegovine donijela je

ODLUKU
o otkazivanju postupka nabavke

I

Otkazuje se postupak javne nabavke usluga organizacije jednodnevnog sastanka u okviru Zajedničke akcije o implementaciji potvrđenih najboljih praksi u oblasti ishrane objavljen na Portalu javnih nabavki, broj obavještenja: 121-9-2-6-22-34/23 od 09.05.2023. godine, koji je pokrenut u skladu postupkom dodjele ugovora o uslugama iz Aneksa II. Zakona o javnim nabavkama.

II

Ova odluka će se dostaviti ponuđačima koji su preuzeli javni poziv u roku od 3 (tri) dana, a najkasnije u roku od 7 (sedam) dana od dana donošenja.

III

Ova odluka stupa na snagu danom donošenja.

O b r a z l o ž e n j e

Nakon pokretanja postupka nabavke usluga organizacije jednodnevnog sastanka u okviru Zajedničke akcije o implementaciji potvrđenih najboljih praksi u oblasti ishrane pojavili su se razlozi za otkazivanje postupka javne nabavke u skladu sa članom 69. stav 3) Zakona o javnim nabavkama, koji su izvan kontrole ugovornog organa i koji se nisu mogli predvidjeti u vrijeme pokretanja postupka predmetne nabavke.

S obzirom na činjenicu da je u međuvremenu koordinator projekta Nacionalni institut za javno zdravlje Slovenije pokrenuo aktivnosti organizacije sastanka i izvršio određene aktivnosti koje su bile predviđene javnim pozivom, nastupili su uslovi koji onemogućavaju održavanje navedenog događaja pod uslovima navedenim u javnom pozivu objavljenom na Portalu javnih nabavki, broj obavještenja: 121-9-2-6-22-34/23 od 09.05.2023. godine.

Kako su navedeni razlozi izvan kontrole ugovornog organa i nisu se mogli predvidjeti u vrijeme pokretanja postupka predmetne nabavke, odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od 5 (pet) dana od dana prijema ove odluke. Žalilac izjavljuje žalbu Uredu za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.

Dostaviti:

1. Sektor za fin.mat. poslove i unutrašnju podršku
2. a/a

